

Der Teuffel lest kein
Landsknecht mer inn die
Helle faren.



Hans Sachs.

Germanisches Seminar
der Justus-Liebig-Universität Gießen

AG 1428

A Ins tags an einem abent spät
 Da het der Lucifer ein rhat/
 Vnden inn seinem reich der Hellen
 Vnd sager da zu sein gesellen/
 Man sagt es sey inn Deutschen landen
 Gar ein böses volck auffgestanden/
 Welche man nennet die Landsknecht
 O der mit der ein duzet brecht/
 Das ich nur sech was für leut werd
 Man saget sie fasten nit gern/
 Sie sind lieber allzeyt vol
 Mit schlemmen prassen sey in wol/
 Achten sich Berens auch nit vil
 Sonder man sagt wie ob dem spil/
 Sie vbel fluchen vnd palgen darneben
 Auch wie sie nit vil almuß geben/
 Sonder lauffen selb auff der gart
 Essen offte vbel ligen hart/
 Doch dienen sie geren allezeyt
 Ein kriegsherren der in gelt geyt/
 Er hab gleich recht oder nit
 Da bekümmern sie sich nit mit/
 Nun Belzepock far hin mein knecht
 Zu dem handel wirstu gleich recht/
 Far oben auff erdt inn ein wirtzhauß
 Darinn

27023 576

Univ.-Bibl.
Giessen.

Darinn die Landtsknecht leben im sauff-
Vnd inn der stuben dich verstell
Hinter den offen inn die hell/
Vnd schaw auff sie an allen orten
Wo du mit wercken oder worten/
Ein Landtsknecht mit fug kanst er dappen
So thu mit jm gen helle sappen/
Bringst du jr ein par so will ich:
Für all dein gselln preysen dich/
Vnd auß dir einen Fürsten machen
Dich brauchen zu ehelichen sachen/
Zu hand der Teuffel Belgepock
Zog an sein vnichtigen rock/
Vnd fur von Hell inn ein witzhauß
Da die Landtsknecht lebten im sauff/
Prastten vnd an einander zu sossen
Der Teuffel stelt sich hinter den offen/
Hört wie die Landtsknecht rheten sagen
Wies mit den feyn den herten gschlagen/
Gestürmbt / geraubet vnd geprant
Inn disem vnd inn jenem landt/
So grosse strach das jm für war
Gleich gen perg stunden all sein har/
Dacht heimlich von jm zu entlauffen
Doch het er acht auff jr zusauffen/

An dreyen dischen allenthalb
Brachtens einander ganz vnd halb/
Das einr dem glas gab nur ein schwunck/
Vnd sofft heraus auff einen schlunck/
Der Teuffel thet sein list nit sparn
Wer meint heimlich inn ein zufarn/
Wenn einer drünck so vngeschwungen
Doch wurd in das auch vnterdrungen/
Wann soß einer ein bracht allwegen
Sprach jeder das dirs Gott gesegen/
So gsegnet es jenem auch der ander
Solch gsegnen dieben sie allsander/
Mit dem sie all gesegnet warn
Das der Teuffel kundt in keinen farn/
Derhalb der Teuffel thet verharren
Vergebens den abent gleich einem narren/
Nun het vnter in ein Kriegßman
Erschlagen einen alten han/
Den het er hintern offen ghangen
Als nun der tag schier war vergangen/
Sprach der Langknecht zü wirt mein gsel
Beh hintern offen inn die hell/
Vnd da den armen Teuffel nem
Kupff vnd laß praten in nach dem/
Wöll wir in fressen vnd zerreißen

Thet

Thet darmit hintern offen weyssen/
Auff den hangenden todten han
Als der würdt der hell zu waeg an/
Wolt den Han von dem Nagel schnappen
Maint der Teufel wolt nach jm dappen/
In rupffen vnd den Landsknechten prack
Vnd thet da nit lang Beraten/
Vnd stiep ein offen lachel auß
Vnd fur zum offenloch hinauß/
Vnd kam mit sehr grossen geschell
Widerumb hinab für die Hell/
Vnd klopfft mit grossem prummen an
Vnd als man jm nun het auffsehen/
Fragt der Lucifer bringst du keinen
Belgepock sprach/ja wol nit einen/
Ich bin entrunnen in mit not
Es ist die aller wildest rott/
Man heist sie die frommen Landsknecht
Man thut in aber se vnrecht/
Wann ich mag auff mein warheyt sehen
Wilder leut hab ich nie gesehen/
Ir kleyder auff den wildesten sitten
Zerlambt/zerschawen/vnd zerschneiden/
Eins theyls jr schenckel blecken thetten
Die andern groß weyt hosen hetten/
A iij Die


Die in Biß auff die fuß rhab hiengen
Wie die gehosten dauber giengen/
Ic angesicht schrammet vnd knebelpartet
Auff das aller wildest geartet/
Inn summa wußt aller gestalt
Wie man vor jaren vns Teuffel malt/
Die Brachten einander vmb schantz
In huy wurden entrüstet ganz/
Palgten vnd haweten zusam
Einander beyde krumß vnd lam/
Vnd fluchten auch so vnbescheyden
Als wern sie Türcken vnd Heyden/
Inn meinem sinn so dauchte mich
Sie werden vil wilder dann ich/
Derhalb dorfft ich ic kein angreifen
Stund vnd must einziehen mein pfeiffen/
Da sprach zu im der Lucifer
Ey du solst ein Bracht haben her/
Wir wolten in bald heimlich machen
Der Teuffel antwort zu den sachen/
Hörst du nit ich forcht mich vor in
Mit gwalt ein zufüren hin/
Thet aber sunst kein list nit sparn
Ich dacht erwan inn ein zu farn/
Mens an einander zu druncken

Wocht

Nocht auch mit sein nach mein gedunck/
Wens ein ein bracht sprach ich kofsi zu der
Ey gsegn dir's Gott mein lieber Bruder
Sprach der ander/so sie es habent
Einander gsegn den ganzen abent/
Das ich gar nichts aufrichten kund
Wie ein narz hinterm offen stand/
Mit waif ich wie der Landknecht schar
Mein hinterm offen wurden gewar/
Ein Landknecht sprach zu würt ver steh
Wird/hald hinter den offen geh/
Nimb den armen Teuffel vngroten
Kupff den vnd thu in darnach pratt/
Der würdt dem offen thet zu gohn
Da fur ich durch den offn daruon/
Sie hetten mich sunst gwürgt vñ grüpf
Gepürt/mein zotten außgezupfft/
Hetten mich pratten darnach gessen
Derhalb kan ich gar nit ermessen/
Das vns nüz wer der Lanzknecht meng
Sie machen vns wol die Hell zu eng/
Sie sind mütwillig vnghrüg
Frech/vngestümb vnd vngesüg/
Derhalb wer mein chat/thu ver stehn
Wölft der Landknecht gar müffig gehn/
Es

Es ist kein wahr inn vnsern kram
Siefressen vns vol allesam/
Vnser keiner sicher bey in wer
Da antwort im der Lucifer/
Mein Beltzpoet vnd ist das war
So wollen wir forthin fürwar/
Nimmer nach keinem langknecht fragt
Sonder wölln vns wie vor betragn/
Der spiler/gotslefterer/weinzecher/
Der puler/hurer vnd ehbrecher/
Wucherer/dieß/mörder vnd strafraubeer
Auch wölln wir auff klauen sauber/
Die landesfridbrecher vnd mordpreimer
Verrethter vnd allschedlich menner/
Münzfelscher vnd falsche Juristen
Vnd darzu all glaublos Christen/
Verstockt die nit gut wölln würcken
Juden/Ketzer/Heyden vnd Türcken/
Gottlos Münch/Munnen vnd Pfaffen
Die wöll wir vns jr vnzucht straffen/
Auff das kein vnrecht vns erwachs
Von den Landknechten wünscht Hans
(Sachs.

gedruckt zu Nürnberg/durch
Georg Merckel. 1559.



fel lest fein
t mer inn die
faren.



Sachs.

